

Na osnovu člana 4. stav 1. Zakona o sudskoj policiji („Službene novine Federacije BiH“, broj 19/96 i 37/04), člana 5. stav 1. i člana 15. stav 2. Zakona o Sudskoj policiji Republike Srpske („Službeni glasnik Republike Srpske“, broj 98/11 i 57/16), a u vezi sa odredbama Zakona o pravnoj pomoći i službenoj saradnji u krivičnim stvarima između Federacije Bosne i Hercegovine, Republike Srpske i Brčko Distrikta Bosne i Hercegovine („Službeni glasnik BiH“, broj 13/02 i 25/02),

- 1. Sudska policija Federacije Bosne i Hercegovine**, zastupana po Miloradu Novkoviću, predsjedniku Vrhovnog suda Federacije Bosne i Hercegovine i
- 2. Sudska policija Republike Srpske**, zastupana po Vesni Antić, predsjednici Vrhovnog suda Republike Srpske

(u daljem tekstu : potpisnici) su dana 01.12.2017. godine u Banja Luci, zaključili :

## **S P O R A Z U M**

### **O SARADNJI, PRUŽANJU POMOĆI I MEĐUSOBNOJ KOORDINACIJI, IZMEĐU SUDSKE POLICIJE FEDERACIJE BOSNE I HERCEGOVINE I SUDSKE POLICIJE REPUBLIKE SRPSKE**

#### **Član 1.**

Sporazum o saradnji, pružanju pomoći i međusobnoj koordinaciji, između Sudske policije Federacije Bosne i Hercegovine i Sudske policije Republike Srpske (u daljem tekstu: Sporazum), utvrđuju se načini saradnje i pružanja pomoći između potpisnika Sporazuma, koji će se provoditi u granicama ovlaštenja proizašlih iz Zakona o Sudskoj policiji Federacije Bosne i Hercegovine („Službene novine Federacije BiH“, broj 19/96 i 37/04) i Zakona o Sudskoj policiji Republike Srpske („Službeni glasnik Republike Srpske“, broj 98/11 i 57/16), te drugih važećih propisa entiteta i Bosne i Hercegovine.

#### **Član 2.**

Potpisnici Sporazuma se obavezuju da će po naredbi suda ili tužilaštva (u daljem tekstu: pravosudnih institucija), izdatoj u skladu sa ovlaštenjima proisteklim iz Zakona o krivičnom postupku i drugim procesnim zakonima, a koja se odnosi na dovođenje, odnosno sprovođenje osumnjičenog, optuženog, svjedoka ili vještaka sa adrese stanovanja ili kazneno popravne ustanove, postupiti mjesno nadležna organizaciona jedinica potpisnika Sporazuma, odnosno organizaciona jedinica potpisnika Sporazuma na čijem području se u momentu zaprimanja naredbe nalazi lice koje se ima dovesti, odnosno sprovesti.

#### **Član 3.**

- 1) Izvršenje naredbi koje se odnose na izvršenje mjere zaštite svjedoka u odnosu na svjedoke tretirane odredbama Zakona o zaštiti svjedoka pod prijetnjom i ugroženih svjedoka („Službene novine Federacije BiH“, broj 36/03) ili Zakona o zaštiti svjedoka u krivičnom postupku u Republici Srpskoj („Službeni glasnik Republike Srpske“, broj 48/03), će provoditi organizaciona jedinica potpisnika Sporazuma, koja je zakonom ili podzakonskim propisima stvarno nadležna za izvršenje navedenih poslova, bez obzira na čijem području se nalazi lice prema kome se postupa.
- 2) Organizaciona jedinica potpisnika Sporazuma, na čijem području se nalazi lice prema kome se izvršavaju mjere zaštite, će po zahtjevu postupajućeg potpisnika Sporazuma pružiti pomoć službenicima Sudske policije koji izvršavaju naredbu, a u cilju što efikasnijeg izvršenja zadatka.

#### **Član 4.**

- 1) Potpisnici Sporazuma se obavezuju da će prilikom izvršenja naredbe iz člana 2. Sporazuma, a kada postupajući službenici Sudske policije izvršavaju zadatak na području drugog mjesno nadležnog potpisnika Sporazuma, međusobno pružati pomoć i koordinirati aktivnosti, a u cilju što efikasnijeg izvršenja konkretnog zadatka.
- 2) Kada zbog većeg stepena složenosti i rizika, pomoć iz stava 1) ovog člana zahtjeva angažovanje većeg broja službenika sudske policije i većih materijalno tehničkih resursa ili aktivnost traje duži period, potpisnici Sporazuma se obavezuju da će blagovremeno obavijestiti mjesno nadležnu organizacionu jedinicu o provođenju aktivnosti na njenom području.
- 3) Potpisnici Sporazuma prilikom izvršenja naredbe iz stava 1. ovog člana, a koja se odnosi na izvršenje naredbe za dovođenje sa adrese stanovanja u nadležnu pravosudnu instituciju, koja se nalazi na području drugog mjesno nadležnog potpisnika Sporazuma u izuzetnim slučajevima, mogu lice prema kome se postupa predati mjesno nadležnoj organizacionoj jedinici potpisnika Sporazuma, radi predaje postupajućem nositelju pravosudne funkcije u vrijeme zakazano naredbom za dovođenje.
- 4) Predaja lica iz stava 3. ovog člana će se vršiti uz izdavanje potvrde o primopredaji lica, kojom prilikom će se mjesno nadležnoj organizacionoj jedinici potpisnika Sporazuma predati i primjerak naredbe za dovođenje.

#### **Član 5.**

Potpisnici Sporazuma se obavezuju da će, ukoliko tokom realizacije naredbe pravosudne institucije kojom se potražuje neko lice radi prinudnog dovođenja ili lišenja slobode, dođu do informacija da se traženo lice nalazi na području drugog potpisnika Sporazuma, predmetnu naredbu prosljedi organizacionoj jedinici potpisnika Sporazuma na čijoj se teritoriji nalazi traženo lice na daljnje postupanje i izvršenje iste.

#### **Član 6.**

Potpisnici Sporazuma se obavezuju da će prilikom izvršenja poslova fizičke zaštite nosilaca pravosudnih funkcija čija je sigurnost ugrožena, po ukazanoj potrebi i zahtjevu potpisnika Sporazuma pružati pomoć u skladu sa stvarnim nadležnostima potpisnika Sporazuma.

#### **Član 7.**

Potpisnici Sporazuma se obavezuju da će u skladu sa svojim nadležnostima i mogućnostima međusobno razmjenjivati informacije koje su od značaja za izvršenje poslova i zadataka iz nadležnosti potpisnika Sporazuma, posebno u dijelu sigurnosti i zaštite pravosudnih institucija i nositelja pravosudnih funkcija.

#### **Član 8.**

Potpisnici Sporazuma se obavezuju da će u skladu sa svojim nadležnostima i mogućnostima međusobno koordinirati aktivnosti, pružati pomoć i podršku u svim slučajevima u kojima je koordinacija, pomoć i podrška potrebna, sa ciljem zakonitog i pravilnog izvršenja poslova i zadataka, odnosno realizacije naredbi pravosudnih institucija.

#### **Član 9.**

Potpisnici Sporazuma su saglasni da samostalno ili u organizaciji sa drugim nadležnim tijelima entiteta ili Bosne i Hercegovine ili međunarodnim organizacijama, zajedno organizuju ili iniciraju organizovanje edukacija i obuka službenika Sudske policije, kao i da drugim

zajedničkim aktivnostima i u koordinaciji sa nadležnim tijelima kontinuirano rade na promovisanju značaja postojanja i djelovanja institucija potpisnika Sporazuma.

#### Član 10.

- 1) Za nadzor nad sprovođenjem Sporazuma, te izdavanje eventualnih instrukcija za sprovođenje odredbi istog, zadužuju se glavni zapovjednik Sudske policije Federacije BiH i direktor Sudske policije Republike Srpske.
- 2) Rukovodioci iz prethodnog stava su obavezni jednom godišnje, a po potrebi i češće organizovati zajednički kolegijum rukovodnih službenika, na kome će se analizirati funkcionalno i kvalitetno izvršenje odredbi Sporazuma i razmotriti druge aktivnosti koje su od zajedničkog interesa za djelovanje potpisnika Sporazuma.

#### Član 11.

Sporazum stupa na snagu danom njegovog potpisivanja od strane ovlaštenih osoba potpisnika Sporazuma.

#### Član 12.

Izmjene i dopune Sporazuma, vrše se na osnovu međusobnog dogovora, na način i po postupku provedenom pri njegovom zaključivanju.

#### Član 13.

Sporazum je sačinjen u 4 (četiri) istovjetna primjerka, od kojih potpisnici zadržavaju po 2 (dva) primjerka.



Broj : 54/SP-629/17  
Dana: 01.12.2017. godine



Broj : 166/17  
Dana: 01.12.2017. godine